

Mae gan Gronfa Gymunedol y Loteri Genedlaethol rolau hyblyg sy'n galluogi ein pobl i roi eu gorau, ehangu eu sgiliau a rheoli eu llwybr gyrfa. Ni fwriedir i'r proffil swydd hwn fod yn rhestr gynhwysfawr o'ch dyletswyddau, yn hytrach mae'n rhoi amlinelliad i chi o'r hyn y bydd eich rôl yn ei gynnwys. Chi fydd yn gweithio gyda'ch cydweithwyr i ddatblygu a siapio eich gwaith yn unol â'n hamcanion strategol ac amcanion eich tîm.

Swyddog Ariannu

Ein swyddogion

Fel swyddog o fewn y Gronfa, beth bynnag fo'ch arbenigedd, bydd gennych ddigon o gwmpas ar gyfer annibyniaeth a chyfrifoldeb. Byddwch yn defnyddio eich barn a'ch gwybodaeth i wneud argymhellion a phenderfyniadau, a bydd eich sgiliau wrth ddeall anghenion gwahanol gwsmeriaid, gan gynnig cyngor ac adborth, yn dod i'r amlwg. Ni fydd angen llawer o oruchwyliaeth nac arweiniad arnoch gan eich cydweithwyr uwch gan y byddwch yn cymryd arweinyddiaeth a rheolaeth bersonol dros eich gwaith a'ch datblygiad eich hun. Byddwch yn ymfalchio yn eich gwaith ac yn dylanwadu ac yn ymgysylltu mewn ffordd gadarnhaol â'n cwsmeriaid a'n rhanddeiliaid yn fewnol ac yn allanol.

Eich rôl

Fel swyddog ariannu, byddwch yn asesu ceisiadau am gyllid ac yn rheoli grantiau gan ddefnyddio gwybodaeth leol, arferion gorau, arbenigedd thematig, a phrofiad cwsmeriaid a rhanddeiliaid i wella ein prosesau dyfarnu grantiau a llywio ein penderfyniadau. Drwy weithio'n agos gyda phobl a chymunedau ar gyfer ardal ddaearyddol benodol, byddwch yn deall beth sy'n bwysig iddynt a lle gall ein cyllid wneud y gwahaniaeth mwyaf.

Gan eich bod yn gyfrifol am gefnogi pobl a chymunedau lleol, bydd gennych ddealltwriaeth gref o'n gweledigaeth a'n rhaglenni ariannu, a byddwch yn gallu addasu eich ymagwedd i ddymuniadau'r bobl yr ydych yn gweithio gyda nhw. Bydd angen i chi hefyd gefnogi ein rhanddeiliaid, gan eu helpu i greu cysylltiadau a fydd yn eu helpu i gyflawni eu nodau.

Gan eich bod yn gyfrifol am brosiectau, bydd angen i chi ddeall ac ymateb i wahanol anghenion ein cwsmeriaid trwy ddarparu cyngor ac adborth ystyriol a bod yn barod i gael sgysiau heriol ond adeiladol. Bydd Swyddogion Ariannu yn sicrhau bod ein gwaith rheoli ac asesu grantiau yn chwarae rhan effeithiol wrth gyfrannu at wybodaeth a dysgu'r Gronfa fel dyfarnwr grantiau. Byddwch yn rheoli eich llwyth achosion eich hun, yn cysylltu â derbynwyr grantiau, yn cynnal ymweliadau prosiect, yn nodi ac yn rheoli risg, yn cefnogi sefydliadau i gyflawni eu prosiectau ac yn mesur eu heffaith.

Bydd angen i chi hefyd weithio o fewn polisiâu a gweithdrefnau'r Gronfa a'r ddeddfwriaeth angenrheidiol, a hynny mewn ffordd sy'n cyd-fynd â'n gweledigaeth a'n hegwyddorion. Os yw'r rôl wedi'i lleoli yng Nghymru, neu'n cefnogi cwsmeriaid neu gydweithwyr yng Nghymru, mae angen dealltwriaeth o ddeddfwriaeth y Gymraeg a Safonau Iaith Gymraeg y Gronfa.

Eich profiad

Fel swyddog, efallai y byddwch wedi cael dyrchafiad trwy ein llwybrau gyrfaedd mewnol wedi i chi ddangos eich sgiliau a'ch galluoedd arwain, neu fe allwch wedi dod o faes allanol. Y naill ffordd, bydd angen i chi ddangos eich profiad a'ch cymwysterau yn y meysydd hyn:

- Dealltwriaeth o'n gwaith a chwilfrydedd amdano
- Dealltwriaeth o wasanaeth cwsmeriaid gwych
- Gwybodaeth am y cyd-destun ariannu ehangach
- Dealltwriaeth o gynllunio ariannol a chynlluniau busnes, y gallu i ddadansoddi cyfrifon a data rhifiadol, ac i adnabod a rheoli risg
- Dealltwriaeth o ddulliau sy'n seiliedig ar gryfderau o weithio gyda phobl a chymunedau i oresgyn heriau
- Gwybodaeth am yr amgylchedd polisi cymdeithasol a rôl y trydydd sector
- Hyderus wrth gyflwyno i gynulleidfaoedd allanol
- Y gallu i ddysgu o'n prosiectau a ariennir a rhannu'r dysgu hwnnw er budd y sefydliad ehangach

Byddwch chi'n gallu

ARWEINYDDIAETH A RHEOLI

- Bod yn ymgysylltiol ac yn frwdfrydig i weithio tuag at nodau cyffredin, ac annog eraill i wneud yr un peth
- Ymrwymo i weledigaeth ac egwyddorion y Gronfa, ac annog eraill i wneud yr un peth
- Cymryd perchnogaeth dros ddatblygiad personol eich hun drwy adnabod eich cryfderau a meysydd datblygu, gan ddefnyddio'r adnoddau sydd ar gael i gefnogi hyn
- Bod yn chwaraewr tîm cefnogol sy'n dangos diddordeb mewn eraill ac yn datblygu amrywiaeth o gysylltiadau y tu allan i dîm eich hun i helpu cyflawni'r swydd

MEITHRIN PERTHNASOEDD GWYCH

- Rhwydweithio'n fewnol ac yn allanol, gan roi eich hun mewn sefyllfa cwsmeriaid a gweithredu ar y pethau sy'n bwysig i bobl
- Cyfathrebu mewn ffordd onest ac ymgysylltiol, gyda'r gallu i ddylanwadu a thrafod gan ddefnyddio dadleuon da ac amrywiaeth o strategaethau i argyhoeddi eraill
- Gwrando'n weithredol ac ymateb i eraill mewn ffordd hysbys, gan gydnabod cyfraniad a gwerth safbwyntiau amrywiol

CYFRIFOLDEB PERSONOL

- Chwilio am adborth a gweithredu arno'n barhaus er mwyn gwerthuso a gwella perfformiad eich hun
- Aros yn ddigynnwrf o dan bwysau ac ymdrin â sawl blaenoriaeth sy'n cystadlu â'i gilydd, gan gefnogi eraill pan fo angen
- Cymryd perchnogaeth a bod yn atebol ar gyfer gwaith eich hun, ac annog cydweithwyr i wneud yr un peth

CYFLWYNO

- Adnabod cyfleoedd i rannu dysgu a gwybodaeth, a gwneud gwelliannau trwy weithio â

Swyddog Ariannu

chydweithwyr

- Defnyddio'r systemau a'r data sydd ar gael i chi gwblhau gwaith eich hun yn effeithiol a gwella gwaith eich tîm
- Chwilio'n weithredol am wybodaeth sydd ar gael a'i dadansoddi, gan ei defnyddio i hysbysu eich barn a chwblhau eich gwaith yn effeithiol
- Bod yn ymatebol i broblemau a thueddiadau sy'n dod i'r amlwg ac yn effeithio ar eich gwaith, gwaith eich tîm neu'r Gronfa
- Deall gofynion llywodraethu da a darparu datrysiadau i risgiau a phroblemau

Swyddog Ariannu

Ein meddylfryd

- Rwy'n angerddol am botensial gwneud grantiau ardderchog
- Rwy'n ymroddedig i rwydweithio effeithiol ar draws a'r tu hwnt i'r Gronfa
- Rwy'n gwerthfawrogi amrywiaeth a dyheadau cymunedau a chydweithwyr gan gydnabod yr angen i gyflwyno cyfle cyfartal
- Rwy'n gywrain ac yn chwilio o ddifrif am ffyrdd newydd o wneud pethau
- Byddaf yn gwrando, dysgu, darparu ac annog adborth a her
- Rwyf yn gyfrifol ac yn atebol am y gwaith a wnaif
- Rwy'n gweithio'n hyblyg ac yn gydweithiol i ddiwallu anghenion eraill
- Rwy'n defnyddio gwybodaeth a phrofiad i rannu fy nysgu
- Rwyf eisiau gwneud y Gronfa yn lle gwych i weithio ynddo

Eich teulu swydd yw	Ariannu	Eich cyfarwyddiaeth yw	Lloegr/Gogledd Iwerddon/Yr Alban/Cymru
Eich dull gweithio yw	Swyddfa/gartref/symudol	Eich templed rôl yw	Swyddog